



TAGLIER LA RAMMA DA LA BOS-CHA SÛL TERRITORI CUMÜNEL DA SEGL

Per evitar impediments e prieveles pels utilisaders da vias (servezzan d'inviern, transport d'immundizchas, trafic public, peduns e.o.p.) stu gnir tagliada la bos-cha e la frus-chaglia lung las vias uffielas e vias chi vegnan druvedas da veiculs publics i'l territori abito, e que uschè cha la ramma nu taundscha pü aint il spazi da la via (art. 9 da la ledscha da pulizia da Segl ed art. 21 da l'ordinaziun davart las vias dal chantun Grischun).

Ad es d'eviter ch'utilisaders da vias vegnan periclitos tres bös-chs chi cupichan u ramma chi rumpa giò suot la chargia da naiv. L'igluminaziun da las vias e las teclas da trafic nu suos-chan gnir zugliadas da plauntas.

Ils proprietaris da terrain cunfinant a la via vegnan dumandos da fer quistas lavuors fin la mited d'october 2022. In cas ch'els nun observan quista prescripziun, s'arsalva la vschinauncha il dret da taglier la ramma a cuost dals proprietaris pertuchos.

La ramma tagliada po gnir deponeda fin la mited d'october tar la piazza da cumpost tar la sarinera Segl al Lej da Silvaplauna (vart dal süd da la sarinera). Scha la quantited surpassa 1.5 m³, stu gnir fatta ün'annunzcha tal capolavuraint da la gruppa da lavur (079 907 56 00). Ad egen quint po eir gnir incumbenzo il silvicultur da revier (081 826 59 33).

L'administraziun cumünela da Segl

Segl, ils 8 settember 2022